



Sön le ciamp strënt da Dietenheim à la squadra da La Val la miú sön i padruns de ciasa por 2 a 0. Ai 9 de setëmbër la partida de retüda de Copa Provinzia a La Val.

Cun na squadra jona y plëna de determinaziun pëia ia la terza sajun dl palé adüm al'alenadù Floriani Claudio. Sciöche vigni ann é la prüma partida ofiziala chëra de Copa Provinzia. In chësc ann ti toca a La Val le Dienteheim, squadra tomada jö dala secunda categoria y bel ciarciada te n' amichevole a mez agost. En domisdé cun temperaturës scialdi cialdes ti á dé le begnodü sön le ciamp a Dienteheim a la squadra ladina, na partida ecuilibrada fina amez le secundo tëm, olache i ghesc fej gran druch y va tosc in vantaje.

A gauja dl ciamp plö strënt, pro i ladins de pié ia cun en modul plö offensif, cun l'injunta de n atacant. Val aziun lapró gareta ince, Stefan vëgn sorví da Luca da na pert jö y mët le palé amez por le sogadú nü Franz Tolpeit, al é bun de controlé le palé mo ne rōia por püch nia a contlujiun. Tosc vëgn i sogadus ladins drucá jö dai avversars, che rōia ince a rebat cuntra porta,

le portier Julian M. fej bun só laûr y deviëia scialdi. Le alenadú Floriani, che mëss seguí la partida dafora dal ciamp, a gauja de na desgorta, mëss tosc passé a n modul classic por evité inant la presciun aversara. Impó ne ti gareta n bel jüch bâs ai ladins, a mezciamp rōia i pustri denant sōn le palé y pó de insciö continuité al jüch y n gran sostëgn a sū atacanc. Dan le pröm tēmp é ciamó Alex E. che da jö na passaja filtranta a Max Nagler, chësc ultim abina le palé massa tert y ne sciafia nia da tra cuntra porta.

Le pröm tēmp se rōia sōn le pêr por 0 a 0.

Le secundo tēmp se fej plö interessant, deplö pai vëgn recuperá bel a mezciamp y sugá fora sōn les perts. I movimënc di atacanc ladins al momënt iüst é otimai por ti sciampé ala defenjiun aversara. Le portier mëss plö gunot se strá por defanté les trates dalunc. Les deziijuns arbitrales, nia tres iüstes y influenzades dai scrai dl publich, fej pié ia n gran marcé y nervosism te ciamp, insciö ti sciampa ince bel plan le control dla partida fora dles mans al arbiter. Insciö mëss tosc lascé n sogadú aversar le ciamp por dopla amoniziun.

Al 75[^] pënsa spo Alex E. a deslié le grop, al vëgn sorví dal mezciamp y sōn le piz de aria prol la trata alta a giré sōn le secundo pé de porta, chësta ti gareta y la strata dl verdaporta ne é plö por nia. Dô avëi ejaurí prësc les forzes dal gran cialt, ciafá la squadra sëgn na nōia ciaria de determinaziun. Al ne passa tröp che le medemo atacant realisëia sūa dopleta, sōn na incomprenjiun dla defenjiun abina Alex denant le palé y pó jí sū cuntra le portier, al vega la trata bassa che rōia de püch dlungia le pé de porta ite por le 2 a 0 al 85[^].

I ultims cinch menüc de jüch mëss e ladins se paré dala presciun aversara, le aiüt dl portier Julian é chilò fundamental. Le sciür dl arbiter fej spo ruvé la partida. Na devënta miritada purmó tl secundo tēmp, i sogadus se ciaria insciö de determinaziun por le scomenciamënt dl campionat de chësc proscim fin dl'edema.

Dienteheim – La Val : 0-2

Formaziun La Val: 1. Julian Moling, 2. Luca Pescollderung, 3. Egon Frenes (dal 60^ David Moling), 4. Paolo Vallazza, 5. Werner Sottara, 6. Freddy Sottara, 7. Christian Dapoz (dal 45^ Alexander Miribung), 8. Max Nagler (dal 75^ Felix Nagler), 9. Franz Tolpeit (dal 45^ Adrian Miribung), 10. Stefan Sottara - capitan, 11. Alex Elzenbaumer

Gol por La Val: Alex Elzenbaumer (al 75^ y al 85^)

Proscimes partides:

In dumënia süga La Val süa prüma partida de campionat a La Val, dales 16:00.

La partida de retüda de Copa Provinzia contra le Dietenheim vëgn sugada ai 09 de setëmbër te ciasa dales 20:00

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.